

V I S I O  
A L G A R A Z A B E L :

S V P E R  
R E V O L V T I O N E P O L I T I C A


Anni 1626.

*Et erit post hæc: Effundam spiritum meum super o-  
minem carnem: & prophetabunt filij vestri &  
filia vestra: senes vestri somnia somniabunt, &  
iuvenes vestri visiones videbunt. Ioel 2. 28.*

---

---

Kalendis Ianuarij CIO. IOC. XXVI.





V I S I O  
A L G A R A Z A B E L

S V P E R  
R E V O L V T I O N E P O L I T I C A  
A n n i 1 6 2 6 .

**H**ÆC est illa Visio  
Fidelis & stupenda,  
Quam vidit *Algarazabel*  
In Valle non dicenda.

Annus erat sexies  
Centenus & millenus,  
Sextus & vigesimus,  
Hic numerus est plenus.

In Capricorni remora  
Sol adhuc hæsitabat,  
Conuersa Iani facies  
Kalendis suis stabat.

Sedebat *Algarazabel*  
Pensando multa pressus,  
Et rerum graui pondere  
Considerando fessus.

Cur tota tot discordiis  
Europa fluctuaret,  
Cur per alterna viscera  
Gens gentem vulnerearet.

Quid esset quod Lōbardia  
Et Ligures moueret:  
Gibbosus cur Sabaudiam  
Senecio ciceret.

Quid Hugonotte agitent  
In Gallia confusi,  
Seu missi Aquinania  
Seu qui Rochella clusi.

Cur Insulani caudices  
Britanni nauigarent  
Immensum per Oceanum  
Et prædis inhiarent.

Quid Pseudo-*rex* iuuēculus  
Extorris cogitaret,  
Dum penas temerarie  
Ambitionis daret.

Vexilla cur erigeret  
Et vela contra gentem  
Fuscicoloris Hesperii  
Hem! nimium potentem.

A 2 Quis

Quis esset in Germania  
Origo tot malorum:  
An pacis spes cohareat  
Cum spe Comitiorum.

Cur coadiutor lectus sit  
Ad Magdeburgi vota,  
Qui regnet in Dicecesi  
Et ditione tota.

Cur Transyluani negligat  
Et Walachi Bathorem:  
Cur Lotharingi sceminam  
Recusent successorem.

Cur Belgica tot pellibus  
Circumdata leonum  
Adhuc in praedam cederet  
Tot armis nationum.

Cur Datus se immisceat  
Quaerelis vicinorum,  
Qui possit solus ducere  
Choreas extra chorum.

Gustaus cur Lyf landiae  
Infestus sit colonis,  
Iniquus qui est Sueciae  
Detentor à Polonis.

Quid turbulenti Veneti  
In foedera coniungant,  
Et superos, & inferos  
Ut Austrios emungant.

Multa super singulis  
Suspirans agitabat  
Quietis sub silentio  
Quam nox obscura dabat.

Et ecce dum per apices  
Tot rerum diuagatur  
Ad modum auræ tenuis  
Audita vox quæ fatur:

Quid mœeres *Algarazabel*,  
Quid mœeres & te angis  
In hisce quæ non capies  
Dum manibus vel tangis?

Quin age mentem erige  
Et esto sine cura  
In rebus quibus desuper  
Est pondus & mensura.

Cognosce res, sed scrupulū  
Depone queritandi,  
Cur fiant hæc & alia  
Confusione grandi.

Iustitia cum desijt  
In terris habitare,  
Successit *Status Ratio*  
Calamitatum mare.

Quid illa sit, Rex Iupiter  
Non nouit, sed nouerunt  
Qui eam tot miserijs  
Patronam statuerunt.

Exhaustus fons & arboris  
Emortuæ radices:  
Quicquid conetur homines  
Sunt rebus suæ vices.

Falluntur qui versutij  
Hæc cuncta metiuntur,  
In quibus magni Numinis  
Tot placita cernuntur.

Huc flectant, illuc torqueant  
Per fas nefasque ruant,  
Videbis vt insidias  
In cœlum frustra struant.

Si vis vt tibi disseram  
Sincerè quid futurum,  
Consilium nequitia  
In fumos abiturum.

Assurge, & me sequere  
Videbis quæ nunc latent,  
Secreta quæ mortalium  
Aspectui non patent.

Vides hic de Genua  
Quam moues quæstionem  
Et ibi Longobardia  
Opimam regionem?

Quæ causa sit tot cladum  
Si vellem enarrare,  
Stuperes tu nec cuperes  
Narranti fidem dare.

Arcana sunt Imperij  
Quæ paradoxa credunt,  
Qui charitatem proximi  
Ob regna nunquam laedunt.

Tu transfer in Sabaudiam  
Et oculos, & mentem,  
Et vide quem monachas  
Senecionem flentem.

Non decet sictus militem,  
Et tamen slet pro vero,  
Dum vastat vulpes vineam  
Cum singulari fero.

Appensus in fratera est,  
Inuentus minus habens,  
Qui deprædatur alios  
In foueam delabens.

Coibunt duo capita  
Quæ vallem ob Telinam  
Mouerunt dira prælia  
In populi ruinam.

In manus ambo venient,  
Et iungent vnâ vires:  
Romana quantum Curia  
Gauderes, si hoc scires,

Et scies, sed præmoneo  
Concordiam tu foue,  
Et ad conatus arduos  
Cognata scepra moue.

Cur volant vespæ Venetæ  
 Et Rerumpublicarum  
 Heluetij illecebræ  
 Origo tot rixarum?

Captentur vulpes paruulæ,  
 Quæ fraudes moliuntur,  
 Et fodiendo foueas  
 Radices depascuntur.

Affurget tunc Italia,  
 Et Roma triumphabit,  
 Dum Austria cum filiis  
 In vera pace stabit.

Iustitia & veritas,  
 Dum sese complectentur,  
 O Reges intelligite  
 Quæ bona vos sequentur.

Florebit causa fidei  
 Doctrinæ Orthodoxæ,  
 Submittet caput Hæresis,  
 Vel danda statim noxæ.

Odorem spargent Lilia  
 In hortis Galliarum,  
 Non erit qui suffodiat  
 Radices vinearum.

Tûc Hugonottæ supplices  
 Non venient libelli  
 Innatâ qui vafritie  
 Fel contegant sub melle.

Rochella tunc non poterit  
 Ab Anglis defensari,  
 Non erit tunc profectio,  
 Quæ scitur præsentari.

Duobus tunc securitas  
 Monarchis concedetur,  
 Dum se turbandi suspicax  
 Formido sustolletur.

Hinc transi *Algarazabel*,  
 Et Septem-ad-trionem,  
 Bootes quâ non promouet,  
 Metire regionem.

Immiscuit se Dania  
 Querelis vicinorum,  
 Post paruum tēpus incidet  
 In manus Austriorum.

Stat scriptus adamantino  
 Hic sermo caractere,  
 Qui causam malâ suscipit  
 Iubetur respondere.

Holfatia mirabitur  
 Et fauor ab Hispano  
 Fideli viro dabitur  
 A Vate sed non vano.

Tum Spurius Mansfeldius  
 Et semiuir infanus  
 Iacebunt trunca corpora,  
 Priusquam cesseret Danus.

Nec

Nec trepida quod transitū  
Per Luneburgum facit:  
Conatus ridet hominum,  
Qui fulmen solus iacit.

Inuentus est qui faciat  
Hunc Slesiae fauorem,  
Vt turbatoris Patriae  
Dis offerat cruorem.

Garleben circumdabitur,  
Pauebit Tangeimunda,  
Freistadium lætabitur,  
Sed sorte non secundā.

Hic dimicat Wallsteynius  
Pro Regno, mirum dictu,  
Recente quanta millia  
Procumbant hoc conflictu.

Fluenta Albis conspice  
Cruore purpurata,  
Hamburgū, & Roslochium  
Pauore consternata.

Mouebit Brandenburgico  
Lis propria furorem,  
Sed sequitur exercitus  
Ad pascua pastorem.

Pastorē quē non nomino,  
Nec opus nominare,  
Dum opus est ouiculis,  
Quas ducit pastum dare.

Sic pauit gregem Moyfes  
Et Iosue deduxit,  
Hic alter est quo melior  
In acie non luxit.

Hic Hector est Brabantiae  
In canā senectute,  
Tot ductor in victoriis  
Pro Belgicā virtute.

Nunc vide à quo durius  
Tractatur Lithuanus,  
Vt Vladissao supplices  
Protendat vltro manus.

Vindicta manet impium,  
Vel fera, vel festina,  
Gustauum bella Sueciae  
Inuadunt intestina.

Ne quere de Comitibus  
Germaniae quid rei:  
Concurrent magna capita  
De quibus multum spei.

Sed hui! quā difficile  
Res inter se ligare  
Diuersis quae foederibus  
Sciuntur discrepare.

De Magdeburgo quaestio  
Suspensum te non angar,  
Debetur hoc Saxoniae,  
Vt nemo ius hoc frangat.

Quera

Quem Saxo non exhibuit  
Imperio fauorem,  
Cessando solus expulit  
Qui regno inuaforem?

Hoc fatum Lotharingiæ  
Quod tempore futuro  
Paratur matrimonium  
Pro Duce successuro.

Sed dicere prohibeor  
De Romanorum Rege,  
De Præfule Colonia  
Pro Eburonum lege.

De Frederico Comite  
Nil fiet, sed pro natis  
Est aliquid quod suspicor  
Quod fiet fortè gratis.

Britanniæ Rex Carolus  
Rogauit pro sorore,  
Vt habeantur filij  
Immunes ab errore.

Nō errant, dicunt, foeminae  
Sed ducunt in errores,  
Quid peius sit dispiciant  
Virtutum qui censores.

Sic aiunt quod mulieres  
Rarissimè domentur  
Et quæ sunt Regum filia  
Coronas insectentur.

Hæc luet culpam coniugis,  
Dum mori vult Regina,  
Et ille vult Rex dicier  
Sit licet in popina.

Popinam dico, potui  
Carinam nominare,  
Nam dum per terram exulat  
Regnare vult per mare.

Sed ecce regnum breuius  
Quàm Pragæ quod dabatur,  
E Gaditano littore  
Inuafor dum fugatur.

Non vides ferri nauibus  
Reliquias Anglorum,  
Remensis queis Oceanum  
Reuerti indecorum?

Hæc illa classis Regia,  
Hæc naues violentæ,  
Quæ metum frustra faciant  
Neptuno cum tridente.

I nunc metire machinas,  
Et vastum apparatus,  
Dum nescis iras Superûm,  
Qui diruent conatum.

Et tamen si ad lapidem  
Offendent bis eundem,  
Vt pro labore referant  
Stipendij tantumdem.

Non



Non solent reges vnica  
 Conuerti velle plagâ,  
 Nec videt cæcus Pharao  
 Quid dicter mens præfaga.

At miseret quod Carolus  
 His malis detinetur,  
 Quæ solū propter regulum  
 Se pati profitetur.

Optaret nunc amoribus  
 Cum Fruge operari,  
 Et in reginæ dedecus  
 Pedissequam tractare.

Bucquingam exposuit  
 Clenodias regales  
 Ob summulam pecuniæ  
 Expensas ad nauales.

Testatur id Hollandia,  
 Testatur Amsterdamum:  
 O Angli sine frugibus  
 Hunc amputate ramum.

Vertetur mare citius  
 Britannia in vinum,  
 Quàm Heidelberga reducẽ  
 Videbit Palatinum.

Nunc pauca de Leonibus  
 Intellige Belgarum,  
 Prædones qui sunt maximi,  
 Et principes ferarum.

Hos diceres efficere  
 Ingenij & artis,  
 Quis libertatem tollere  
 Vis nequit longa Martis.

Pacem multi clamitant,  
 Et volunt esse pacem,  
 Seu per Vlyssẽm subdolum,  
 Seu bellicum Atacem.

Superbit Ajax viribus,  
 Vlysses valet fraude;  
 Néc hic nec ille faciet  
 Concordiam cum laude.

Non erit pax nec requies,  
 Replebitur mensura  
 Parentum in progenie,  
 Quæ plena mox futura.

Immane est quod video,  
 Immensum quod tacere  
 Compellit virtus altior,  
 Ne possit gens videre.

Dum peregrinus superest  
 Et nebulo vagatur,  
 Legationes obiens  
 Vt Belgium perdatur.

Tolletur vir è medio  
 Cui manus semper lotæ,  
 Bruxella quem deposuit  
 Vt nummum male notæ.

Non

Non vides vt flâmiuomos  
 Diducant duo rictus  
 Leonum feri catuli  
 Queis furor est inuictus?

Immotâ fati regulâ  
 Ambrosius signatus  
 Terrâ, marique efferum  
 Vt animal prematur.

Coaxant in littoribus  
 Aprico sole ranæ,  
 In stagna mergent capita  
 Sint licet Anglicanæ.

Catholicus rex imperat,  
 Rex Christianus iubet,  
 Mergantur fœdæ bestiæ  
 Quæ nauigant quò lubet.

Accede, maeta, disleca,  
 Qui subdolè fecere  
 Tranquillitatem Belgij  
 Ab Angliâ pendere.

Mirare sed industriam  
 Prudentis Gondomari,  
 Quo melior à Principe  
 Non potuit legari.

Agnosce viram Belgica,  
 Qui oculis & fronte  
 Exponit aquæ riuulos,  
 Qui latitant in fonte,

Hic ille est qui Chatites  
 Quas loquitur, donabit,  
 Sed tu infælix negliges  
 Quod cœlum propinabit;

Infœlix quæ Leonibus  
 Armata generosis  
 Effecta es mancipium  
 Vulpeculis dolosis.

Sed meliora video  
 Et tempus anni clarum,  
 Quod ducet in Hispaniam  
 Colonias Belgarum.

Valentia deligitur  
 Palastra voluptatum,  
 Vt ibi sedem collo cent  
 Queis collocare gratum.

Et collocabunt plurimi  
 Iniquâ lege pressi  
 Sub impio regimine  
 Iam pati plura fessi.

Si narrem de militia  
 Quæ scio Christianâ,  
 Non ultra vult Ierusalem  
 Relinqui ceu pagana.

Magnorum sub auspiciis  
 Pandentur vela Regum,  
 Queis Alcoranum pellere  
 Pro Christo lex est legum.

Euro-

Europa consolaberis  
 Et hæreses cessabunt,  
 Dum Athei & impij  
 Ab aulis exulabunt.

Vale *Algarazabel*,  
 Et viue memor horum,  
 Sed quidquid agas cõprime  
 Myſteria fatorum.

Dixit & euauit,  
 Et ego manſi ſolus  
 Conatus multa petere,  
 Ne fortè ſubſit dolus.

Sed quicquid ſit anigmata  
 Sphinx poteſt intricare,  
 Non opus eſt Oedipodem  
 In iſtis occupare.

Metire Lector tempora,  
 Et vide veritatem,  
 Conſtituo te iudicem  
 Ad rei æquitatem.

*Non ſaluatur Rex per multam virtutem, & Gigas  
 non ſaluabitur in multitudine virtutis ſus.  
 Pſalm. 3 2.*

Inscriptio vetusti marmoris, inuenti & eruti prope  
Coloniam Agripp. hoc anno 1626.

*Strena Kal. Ian. Antiquariis omnibus veritati asserenda.*

AVORVM LVXV. PATRV. ASTV. FRATRVM PRIVILEGHS. FL  
LIORVM FASTV. NEPOTVM ÆMVLATIONE. IMPIORVM  
DOMINIO. ATHEORVM CONSILIO. ADVLATORVM FAVO  
RE. PRÆSVLV. INCVRIA. HEREDIPETARVM DEVOTIONE.  
SOPHISTARVM AVLICISMIS. MVLTORVM HYPOCRISI. PAV  
CORVM FIDE. PLVRIMAMBITIONE. OMNIVM PECCATIS.  
CORRVERVNT PLVRIMA. ET. O: IVPITER IAM FAC MIRACV  
LA. AVT IN PEIVS RVENT OMNIA, ET POSTHAC NIL PROFV  
TVRA TVA FVLMINA.

*Timete Dominum omnes Sancti eius: quoniam non est inopia ti  
mentibus eum. Psal. 33.*

